॥तैत्तिरीय ब्राह्मणम्॥

॥षष्ठमः प्रश्नः॥

॥ तैत्तिरीयब्राह्मणे तृतीयाष्टके षष्ठः प्रपाठकः॥

अञ्जन्ति त्वामंध्वरे देवयन्तः। वनस्पते मध्ना दैव्येन। यदूर्ध्वस्तिष्ठाद्वविणेह धंत्तात्। यद्वा क्षयो मातुरस्या उपस्थै। उच्छ्रंयस्व वनस्पते। वर्ष्मंन्पृथिव्या अधि। सुमिती मीयमानः। वर्चोधा यज्ञवाहसे। समिद्धस्य श्रयंमाणः पुरस्तात्। ब्रह्मं वन्वानो अजर ५ सुवीरम्॥१॥

आरे अस्मदमंतिं बार्धमानः। उच्छ्रंयस्व मह्ते सौभंगाय। ऊर्ध्व ऊषुणं ऊतयें। तिष्ठां देवो न संविता। ऊर्ध्वो वाजंस्य सनिता यदिक्षिभिः। वाघिद्विर्विह्वयांमहे। ऊर्ध्वो नः पाह्य १ हंसो नि केतुनां। विश्व १ सम्त्रिणन्दह। कुधी न ऊर्ध्वां च रथांय जीवसें। विदा देवेषुं नो दुवंः॥२॥

जातो जांयते सुदिनत्वे अह्नाँम्। सम्पर्य आ विदथे वर्धमानः। पुनन्ति धीरां अपसों मनीषा। देवया विप्र उदिंयर्ति वाचम्। युवां सुवासाः परिंवीत् आगाँत्। स उ श्रेयांन्भवति जायंमानः। तं धीरांसः क्वयं उन्नंयन्ति। स्वाधियो मनंसा देवयन्तः। पृथुपाजा अमर्त्यः। घृतनिर्णिख्स्वाहुतः। अग्निर्यज्ञस्यं हव्यवाट्। त॰ स्वाधो यतः स्रुंचः। इत्था धिया यज्ञवंन्तः। आचंकुर्ग्निमृतयें। त्वं वर्रुण उत मित्रो अग्ने। त्वां वर्धन्ति मृतिभिवसिष्ठाः। त्वे वस् सुषण्नानि सन्तु। यूयं पांत स्वस्तिभिः सदां नः॥३॥

सुवीरं दुवः स्वांहुतोऽष्टौ चं॥———[१]

होतां यक्षदग्नि समिधां सुष्मिधा समिद्धं नाभां पृथिव्याः संङ्गथे वामस्यं। वर्ष्मन्दिव इडस्पदे वेत्वाऽऽज्यंस्य होतुर्यजं। होतां यक्षुत्तनूनपातुमदितेर्गर्भं भुवनस्य गोपाम्। मध्वाद्य देवो देवेभ्यों देवयानांन्यथो अनक्त वेत्वाऽऽज्यंस्य होतुर्यजं। होतां यक्षन्नराश १ मं नृशस्त्रं नृ १: प्रणेत्रम्। गोभिर्वपावान्थ्स्याद्वीरेः शक्तीवात्रथैः प्रथमया वा हिरंण्यैश्चन्द्री वेत्वाऽऽज्यंस्य होतर्यजं। होतां यक्षदग्निमिड ईंडितो देवो देवा अवंक्षदूतो हं व्यवाडमूरः। उपेमं यज्ञमुपेमां देवो देवह्रंतिमवतु वेत्वाऽऽज्यंस्य होत्यंजं। होतां यक्षद्वर्हिः सुष्टरीमोर्णमदा अस्मिन् युज्ञे वि च प्र च प्रथता इ

स्वास्थ्यं देवेभ्यः। एमेनद्द्यं वसंवो रुद्रा आदित्याः संदन्तु प्रियमिन्द्रंस्यास्तु वेत्याज्यंस्य होतुर्यजं॥४॥

होतां यक्षद्वरं ऋष्वाः कंवष्यो कोषधावनीरुदातांभीर्जिहंतां विपक्षोंभिः श्रयन्ताम्। सुप्रायुणा अस्मिन् युज्ञे विश्रयन्तामृतावृधों वियन्त्वाज्यंस्य होत्यर्ज। होतां यक्षदुषासानक्तां बृहती सुपेशंसा नृ शः पतिंभ्यो योनिं कृण्वाने। सु समर्यमाने इन्द्रेण देवैरेदं बुर्हिः सींदतां वीतामाज्यंस्य होतर्यजं। होतां यक्षद्देव्या होतांरा मन्द्रा पोतारा कवी प्रचेतसा। स्विष्टमद्यान्यः करदिषा स्वंभिगूर्तमन्य ऊर्जा सतंवसेमं यज्ञं दिवि देवेषुं धत्तां वीतामाज्यंस्य होत्र्यजं। होतां यक्षत्तिस्रो देवीरपसांमपस्तमा अच्छिंद्रमुद्येदमपंस्तन्वताम्। देवेभ्यों देवीर्देवमपों वियन्त्वाज्यंस्य होतुर्यजं। होतां यक्षुत्त्वष्टांरमचिष्टुमपांक र रेतोधां विश्वंवसं यशोधाम्। पुरुरूपमकांमकर्शन ४ सुपोषः पोषैः स्याथ्सुवीरों वीरैर्वेत्वाऽऽज्यंस्य होत्र्यजं। होतां यक्षद्वनस्पतिंमुपावंस्रक्षद्धियो जोष्टार ५ शुशमुन्नरंः। स्वदाथ्स्वधितिर्ऋतुथाद्य देवो देवेभ्यो हव्यावाङ्गेत्वाऽऽज्यंस्य होत्यर्ज। होतां यक्षद्ग्निः स्वाहाऽऽज्यंस्य स्वाहा मेदंसः

स्वाहाँ स्तोकाना् स्वाहां स्वाहांकृतीना् स्वाहां ह्व्यसूँक्तीनाम्। स्वाहां देवाः आज्यपान्थ्स्वाहाऽग्निः होत्राञ्जंषाणा अग्न आज्यंस्य वियन्तु होत्र्यजं॥५॥

प्रियमिन्द्रंस्यास्तु वेत्वाऽऽज्यंस्य होत्र्यंजं सुवीरों वी्रैर्वेत्वाऽऽज्यंस्य होत्र्यंजं चृत्वारिं च (अग्निन्तनूनपांतृत्रराश॰संमृग्निमिड ईडि़तो ब्रहिर्दुरं उषासानक्ता दैव्यां तिस्रस्त्वष्टांर् वनुस्पतिमृग्निम्। पश्च वेत्वेकों वियन्तु द्विर्वीतामेकों वियन्तु द्विर्वेत्वेकों वियन्तु होत्र्यंजं॥)॥[२]

सिमद्धो अद्य मनुषो दुरोणे। देवो देवान् यंजिसि जातवेदः। आ च वहं मित्रमहिश्चिकित्वान्। त्वन्दूतः कृविरंसि प्रचेताः। तनूनपात्पथ ऋतस्य यानान्। मध्वां सम्अन्थ्स्वंदया सुजिह्व। मन्मांनि धीभिरुत युज्ञमृन्धन्। देवत्रा चं कृणुह्यध्वरन्नंः। नराशश्संस्य महिमानंमेषाम्। उपं स्तोषाम यजतस्यं यज्ञैः॥६॥

ते सुक्रतंवः शुचंयो धियन्थाः। स्वदंन्तु देवा उभयांनि ह्व्या। आजुह्वांन ईड्यो वन्द्यंश्च। आयाँह्यग्ने वसुंभिः सजोषाः। त्वं देवानांमिस यह्व होताः। स एनान् यक्षीषितो यजीयान्। प्राचीनं बर्हिः प्रदिशां पृथिव्याः। वस्तोर्स्या वृंज्यते अग्रे अहाँम्। व्यं प्रथते वित्रं वरीयः। देवेभ्यो अदिंतये स्योनम्॥७॥

व्यचंस्वतीरुर्विया विश्रंयन्ताम्। पितंभ्यो न जनंयः शुम्भंमानाः। देवींर्द्वारो बृहतीर्विश्वमिन्वाः। देवेभ्यों भवथ सुप्रायणाः। आसुष्वयंन्ती यज्ते उपांके। उषासानक्तां सदतां नि योनौं। दिव्ये योषंणे बृह्ती सुंरुक्मे। अधि श्रियर् शुक्रपिशं दर्धाने। दैव्या होतारा प्रथमा सुवाचौं। मिमाना यज्ञं मनुंषो यजंध्यै॥८॥

प्रचोदयंन्ता विदथेषु कारू। प्राचीनं ज्योतिः प्रदिशां दिशन्तां। आ नो यज्ञं भारती तूयमेत्। इडां मनुष्वदिह चेतयंन्ती। तिस्रो देवीर्बर्हिरेद स्योनम्। सरंस्वती स्वपंसः सदन्तु। य इमे द्यावांपृथिवी जिनेत्री। रूपैरिपरेशद्भवंनानि विश्वां। तमद्य होतिरिषितो यजीयान्। देवं त्वष्टांरिमेह यंक्षि विद्वान्॥९॥

उपावंसृज्त्मन्यां सम्अन्। देवानां पाथं ऋतुथा ह्वी १ षिं। वनस्पतिः शमिता देवो अग्निः। स्वदंन्तु ह्व्यं मधुंना घृतेनं। सद्यो जातो व्यंमिमीत यज्ञम्। अग्निर्देवानांमभवत्पुरोगाः। अस्य होतुः प्रदिश्यृतस्यं वाचि। स्वाहांकृत १ ह्विरंदन्तु देवाः॥१०॥

युज्ञैः स्योनं यर्जध्यै विद्वानृष्टौ चं॥_____[3]

अग्निर्होतां नो अध्वरे। वाजी सन्परिणीयते। देवो देवेषुं यज्ञियः। परित्रिविष्टांध्वरम्। यात्यग्नी र्थीरिव। आ देवेषु प्रयो दर्धत्। परि वाजंपतिः क्विः। अग्निर्ह्व्यान्यंक्रमीत्। दधद्रत्नांनि दाशुषे॥११॥

अग्निर्होतां नो नवं॥———[४]

अजैंद्गिः। असंनुद्वाज्ञिन्नि। देवो देवेभ्यों हुव्यावाँट्। प्राञ्जोभिर्हिन्वानः। धेर्नाभिः कल्पंमानः। यज्ञस्यायुः प्रतिरन्। उप प्रेष्यं होतः। हव्या देवेभ्यः॥१२॥

अर्जैदृष्टौ॥------[५]

दैव्याः शमितार उत मंनुष्या आरंभध्वम्। उपंनयत् मेध्या दुरंः। आशासांना मेधंपतिभ्यां मेधम्। प्रास्मां अग्निं भंरत। स्तृणीत बर्हिः। अन्वेनं माता मंन्यताम्। अनुं पिता। अनु भ्राता सर्गर्भ्यः। अनु सखा सयूँथ्यः। उदीचीनार् अस्य पदो निधंत्तात्॥१३॥

सूर्यश्रक्षंगमयतात्। वातं प्राणम्नववंसृजतात्। दिशः श्रोत्रम्। अन्तरिक्षमसुम्। पृथिवी शरीरम्। एक्धाऽस्य त्वचमाच्छातात्। पुरा नाभ्यां अपिशसों वपामुत्खिंदतात्। अन्तरेवोष्माणं वारयतात्। श्येनमंस्य वक्षः कृणुतात्। प्रशसां बाह्॥१४॥

श्ला दोषणीं। कृश्यपेवारसां। अच्छिंद्रे श्रोणीं। कृवषोरू स्रेकपंणिष्ठीवन्तां। षड्विरेशतिरस्य वङ्कंयः। ता अनुष्ठोच्यांवयतात्। गात्रंङ्गात्रमस्यानूंनं कृणुतात्। ऊव्ध्यगोहं पार्थिवङ्कनतात्। अस्रा रक्षः सर्सृजतात्। वनिष्ठमंस्य मा रांविष्ट॥१५॥

उरूकं मन्यंमानाः। नेद्वंस्तोके तनये। रवितारवंच्छमितारः। अधिगो शमीध्वम्। सुशमि शमीध्वम्। शमीध्वमंधिगो। अधिगुश्चापांपश्च। उभौ देवाना शमीतारौँ। ताविमं पृशुः श्रंपयतां प्रविद्वा श्सौँ। यथांयथाऽस्य श्रपंण-तथांतथा॥१६॥

धृत्ताद्वाहू मा रांविष्ट् तथांतथा॥-----[६]

जुषस्वं स्प्रथंस्तमम्। वचो देवपसंरस्तमम्। ह्व्या जुह्वांन आसिनं। इमं नो यज्ञम्मृतेषु धेहि। इमा ह्व्या जातवेदो जुषस्व। स्तोकानांमग्रे मेदंसो घृतस्य। होतः प्राशांन प्रथमो निषद्यं। घृतवंन्तः पावक ते। स्तोकाः श्चोतन्ति मेदंसः। स्वधंमं देववीतये॥१७॥ श्रेष्ठं नो धेहि वार्यम्। तुभ्य इंस्तोका घृतश्चतः। अग्ने विप्रांय सन्त्य। ऋषिः श्रेष्ठः सिमध्यसे। यज्ञस्यं प्राविता भंव। तुभ्य इंश्वोतन्त्यिष्ठगो शचीवः। स्तोकासो अग्ने मेदंसो घृतस्यं। कविश्वस्तो बृंह्ता भानुनागाः। ह्व्या जुंषस्व मेधिर। ओजिष्ठन्ते मध्यतो मेद उद्गृतम्। प्र ते व्यं दंदामहे। श्वोतंन्ति ते वसो स्तोका अधित्वचि। प्रति तान्देवशोविहि॥१८॥

देववींतय उद्भृंतत्रीणि च॥------[७]

आवृंत्रहणा वृत्रहिमः शुष्मैः। इन्द्रं यातन्नमोभिरग्ने अर्वाक्। युव र राधोभिरकंविभिरिन्द्र। अग्ने अस्मे भंवतमुत्तमेभिः। होतां यक्षदिन्द्राग्नी। छागंस्य वृपाया मेदंसः। जुषेता हितां होत्र्यजं। विह्यख्यन्मनंसा वस्यं इच्छन्। इन्द्रौग्नी ज्ञास उत वां सजातान्॥१९॥

नान्या युवत्प्रमंतिरस्ति मह्यम्। स वान्धियं वाज्यन्तीमतक्षम्। होतां यक्षदिन्द्राग्नी। पुरोडाशंस्य जुषेता हितः। होत्र्यजं। त्वामींडते अजिरन्दूत्यांय। हिविष्मंन्तः सदमिन्मानंषासः। यस्यं देवैरासंदो ब्रहिरंग्ने। अहाँन्यस्मै सुदिनां भवन्तु। होतां यक्षदिग्निम्। पुरोडाशंस्य जुषता हिवेः। होत्र्यंजं॥२०॥

स्जातानुग्निन्द्वे चं॥———[८]

गीर्भिर्विप्रः प्रमंतिमिच्छमानः। ईट्टे र्यिं यशसं पूर्वभाजम्॥ इन्द्रांग्नी वृत्रहणा सुवज्रा। प्र णो नव्यंभिस्तिरतं देष्णेः। माच्छेंद्म रश्मीशरिति नाधंमानाः। पितृणाश् शक्तीरनुयच्छंमानाः। इन्द्राग्निभ्याङ्कं वृषंणो मदन्ति। ताह्यद्रीधिषणांया उपस्थें। अग्निश् सुंदीतिश् सुद्दशं गृणन्तंः। नमस्यामस्त्वेड्यं जातवेदः। त्वान्दूतमंर्तिश् हंव्यवाहम्। देवा अंकृण्वन्नमृतंस्य नाभिम्॥२१॥

जातवेदो हे चं॥——[९]

त्व इं ह्यंग्ने प्रथमो मनोताँ। अस्या धियो अभेवो दस्महोताँ। त्व सीं ैवृषन्नकृणोर्दृष्टरीत्। सहो विश्वंसम् सहंसे सहंध्ये। अधा होता न्यंसीदो यजीयान्। इडस्पद इषयन्नीड्यः सन्। तं त्वा नर्रः प्रथमन्देवयन्तंः। महो राये चितयंन्तो अनुंग्मन्। वृतेव यन्तं बहुभिर्वस्व्यैः। त्वे र्यिञ्जांगृवा सो अनुंग्मन्॥२२॥

रुशन्तम् भ्रिं देर्श्तम्बृहन्तम्। वृपावन्तं विश्वहां दीदिवा सम्। पदं देवस्य नमसा वियन्तः। श्रवस्यवः श्रवं आपुत्रमृंक्तम्। नामांनि चिद्दिधिरे युज्ञियांनि। भुद्रायांन्ते रणयन्तु सन्दृष्टौ। त्वां वर्धन्ति क्षितयः पृथिव्याम्। त्वश् रायं उभयांसो जनांनाम्। त्वन्नाता तंरणे चेत्योंभूः। पिता माता सदिमन्मानुंषाणाम्॥२३॥

सपूर्येण्यः स प्रियो विक्ष्वंग्निः। होतां मृन्द्रो निषंसादा यजीयान्। तन्त्वां वयन्दम् आ दीदिवा स्सम्। उपंज्ञुबाधो नमंसा सदेम। तन्त्वां वय स्पूधियो नव्यंमग्ने। सुम्नायवं ईमहे देवयन्तः। त्वं विशो अनयो दीद्यानः। दिवो अंग्ने बृह्ता रोचनेनं। विशां कृविं विश्पिति शर्श्वतीनाम्। नितोशंनं वृष्भं चंर्षणीनाम्॥२४॥

प्रेतीषणि मिषयंन्तं पावकम्। राजन्तमृग्निं यंज्तरः रंयीणाम्। सो अंग्न ईजे शश्मे च मर्तः। यस्त आनंदथ्समिधां ह्व्यदांतिम्। य आहुतिं पिर् वेदा नमोभिः। विश्वेथ्सवामा दंधते त्वोतः। अस्मा उं ते मिहं महे विधेम। नमोभिरग्ने समिधोत ह्व्यैः। वेदींसूनो सहसो गीर्भिरुक्थैः। आ ते भुद्रायार् सुमृतौ यंतेम॥२५॥

आ यस्तृतन्थ रोदंसी विभासा। श्रवोभिश्च श्रवस्यंस्तरुत्रः।

बृहद्भिवांजैः स्थविरेभिर्स्मे। रेवद्भिरग्ने वित्रं वि भांहि। नृवद्भंसो सद्मिद्धैह्यस्मे। भूरितोकाय तनयाय पृश्वः। पूर्वीरिषो बृह्तीरारे अघाः। अस्मे भुद्रा सौश्रवसानि सन्तु। पुरूण्यंग्ने पुरुधा त्वाया। वसूनि राजन्वसुतांते अश्याम्। पुरूणि हि त्वे पुरुवार सन्ति। अग्ने वसु विध्ते राजनित्वे॥२६॥ जागृवारसो अनुंग्म्नानुंषाणाश्रर्षणीनां यंतेमाश्यान्हे चं॥———[१०]

आभेरत शिक्षतं वज्रबाहू। अस्मा ईन्द्राग्नी अवत्र् शचींभिः। इमे नु ते र्श्मयः सूर्यस्य। येभिः सिपत्वं पितरी न आयन्। होतां यक्षदिन्द्राग्नी। छागस्य ह्विष् आत्तांम्द्य। मध्यतो मेद् उद्गृतम्। पुरा द्वेषींभ्यः। पुरा पौरुषेय्या गृभः। घस्तांन्नूनम्॥२७॥

घासे अंज्राणां यवंसप्रथमानाम्। सुमत्क्षंराणाः श्वातंत्रियाणाम्। अग्निष्वात्तानां पीवोपवसनानाम्। पार्श्वतः श्रोणितः शिंतामृत उंथ्साद्तः। अङ्गादङ्गादवंत्तानाम्। करंत एवेन्द्राग्नी। जुषेताः हिवः। होत्र्यजं। देवेभ्यों वनस्पते ह्वीः हिरण्यपणं प्रदिवंस्ते अर्थम्॥२८॥ प्रदक्षिणिद्रंशनयां नियूयं। ऋतस्यं विक्ष पृथिभी

रजिष्ठेः। होतां यक्षद्वनस्पतिंमभिहि। पिष्टतंमया रभिष्ठया रशनयाधित। यत्रैन्द्राग्नियोश्छागंस्य हविषंः प्रिया धार्मानि। यत्र वनस्पतेः प्रिया पाथा ईसि। यत्रं देवानांमाज्यपानां प्रिया धामांनि। यत्राग्नेर्होतुंः प्रिया धार्मानि। तत्रैतं प्रस्तुत्येवोपस्तुत्ये वोपावस्रक्षत्। रभीया श्समिव कृत्वी॥२९॥

करंदेवं देवो वनस्पतिः। जुषता १ हिवः। होतुर्यजी पिप्रीहि देवा र उंशतो यंविष्ठ। विद्वा र ऋतू र र्ऋतुपते यजेह। ये दैव्यां ऋत्विजस्तेभिरग्ने। त्व होतृंणामस्यायंजिष्ठः। होतां यक्षदग्नि स्वष्टकृतम्। अयांडग्निरिन्द्राग्नियोश्छागंस्य हिवषंः प्रिया धामांनि। अयाङ्गनस्पतेः प्रिया पाथा रसि। अयाँ हुवानां माज्यपानां प्रिया धामांनि। यक्षंदग्नेर्होतुंः प्रिया धार्मानि। यक्षथ्स्वं मंहिमानम्। आयंजतामेज्या इषंः। कृणोतु सो अध्वरा जातवेदाः। जुषता १ हविः। होतर्यजं॥३०॥

नूनमर्थं कृत्वी पाथा रेसि सप्त चं॥____

उपों ह यद्विदर्थं वाजिनो गूः। गीर्भिर्विप्राः

प्रमंतिमिच्छमांनाः। अर्वन्तो न काष्टान्नक्षंमाणाः। इन्द्राग्नी जोहुंवतो नर्स्ते। वनस्पते रश्नयांऽभिधायं। पिष्टतंमया वयुनांनि विद्वान्। वहं देवत्रा दिधिषो ह्वी १ षि। प्र चंदातारंम्मृतेषु वोचः। अग्नि १ स्विष्टकृतम्। अयां डिग्निरिन्द्राग्नियोश्छगंस्य ह्विषंः प्रिया धामांनि॥३१॥

अयाङ्गन्स्पतेः प्रिया पाथा रसि। अयाङ्ग्वानां माज्यपानां प्रिया धामांनि। यक्षंद्ग्नेर्होतुः प्रिया धामांनि। यक्ष्यस्वं महिमानम्। आयंजतामेज्या इषः। कृणोतु सो अध्वरा जातवंदाः। जुषता रहिवः। अग्ने यद्द्य विशो अध्वरस्य होतः। पावंक शोचे वेष्ट्वर हि यज्वां। ऋता यंजासि महिना वियद्भः। हव्या वंह यविष्ठ या ते अद्या ३२॥

धार्मानि भूरेकं च॥——[१२]

देवं बर्हिः सुंदेवं देवैः स्याथ्सुवीरं वीरैर्वस्तौर्वृज्येताक्तोः प्रभ्रियेतात्यन्यात्राया बर्हिष्मंतो मदेम वसुवनं वसुधेयंस्य वेतु यर्जा। देवीर्द्वारं सङ्घाते विङ्वीर्यामञ्छिथिरा ध्रुवा देवहूंतौ वथ्स ईमेनास्तरुण आमिमीयात्कुमारो वा नवंजातो मैना अर्वा रेणुकंकाटः पृणंग्वसुवनं

वसुधेयंस्य वियन्तु यजं। देवी उषासानकाऽद्यास्मिन्यज्ञे प्रयत्यंह्वेतामपि नूनं दैवीर्विशः प्रायांसिष्टा सप्रीते सुधिते वसुवने वसुधेयंस्य वीतां यजं। देवी जोष्ट्री वसंधिती ययोर्न्याऽघाद्वेषा ५सि यूयव्दान्यावंक्षद्वसु वार्याणि यजंमानाय वसुवने वसुधेयंस्य वीतां यजं। देवी ऊर्जाहुंती इषुमूर्जम्यावंक्षथ्मिण्यः सपीतिम्न्या नवेन पूर्वन्दयंमानाः स्यामं पुराणेन नवन्तामूर्जमूर्जाहुंती ऊर्जयमाने अधातां वसुवने वसुधेयंस्य वीतां यर्ज। देवा दैव्या होतांरा नेष्टांरा पोतांरा हताघंश सावाभ्रद्धंसू वसुवने वसुधेयंस्य वीतां यजं। देवीस्तिस्रस्तिस्रो देवीरिडा सर्न्वती भारती द्यां भारत्यादित्यैरंस्पृक्ष्यसरंस्वतीम । रुद्रैर्यज्ञमांवीदिहैवेडंया वसुंमत्या सधमादं मदेम वसुवनं वसुधेयंस्य वियन्तु यजं। देवो नराश १ संस्निशीर्षा षंडक्षः शतमिदंन शितिपृष्ठा आदंधति सहस्रंमीं प्रवंहन्ति मित्रावरुणेदंस्य होत्रमर्हतो बृहस्पतिः स्तोत्रमृश्विनाऽऽध्वंर्यवं वसुवनंवसुधेयस्यं वेतु यजं। देवो वनस्पतिंर्षप्रांवा घृतनिंणिंग्द्यामग्रेणास्पृंक्षदान्तरिक्षं

मध्येनाप्राः पृथिवीमुपंरेणाद्दश्हाद्वसुवने वसुधेयंस्य वेतु यजं। देवं ब्रुहिर्वारितीनां निधेधांऽसि प्रच्यंतीनामप्रं-च्युतिन्नकामधरेणं पुरुस्पार्हं यशंस्वदेना ब्रुहिषाऽन्या ब्रुही इप्यमि प्यांम वसुवने वसुधेयंस्य वेतु यजं। देवो अग्निः स्विष्टकृष्सुद्रविणा मन्द्रः क्विः स्त्यमंन्माऽऽयजी होता होतुंर्होतुरायंजीयानग्ने यान्देवानयाड्या अपिप्नेर्ये ते होत्रे अमंथ्सत् ता संस्नुषी होताऽभूं वसुवने वसुधेयंस्य नमोवाके वीहि यजं॥३३॥

यजैकं च।

[83]

देवं ब्र्हिः। वसुवनं वसुधेयंस्य वेतु। देवीर्द्वारंः। वसुवनं वसुधेयंस्य वियन्तु। देवी उषासानक्तां। वसुवनं वसुधेयंस्य वीताम्। देवी जोष्ट्रीं। वसुवनं वसुधेयंस्य वीताम्। देवी ऊर्जाहंती। वसुवनं वसुधेयस्यं वीताम्॥३४॥

देवा दैव्या होतांरा। वसुवनं वसुधेयंस्य वीताम्। देवीस्तिस्रस्तिस्रो देवीः। वसुवनं वसुधेयंस्य वियन्तु। देवो नराश॰संः। वसुवनं वसुधेयंस्य वेतु। देवो वनस्पतिः। वसुवने वसुधेयंस्य वेतु। देवं ब्र्हिर्वारितीनाम्। वसुवने वसुधेयंस्य वेतु॥३५॥

देवो अग्निः स्विष्टकृत्। सुद्रविंणा मृन्द्रः कृविः। स्त्यमंन्मायुजी होतां। होतुंर्होतुरायंजीयान्। अग्ने यान्देवानयांट्। या अपिंप्रेः। ये तें होत्रे अमंध्सत। ता श् संस्नुषी होत्रांन्देवङ्गमाम्। दिवि देवेषुं युज्ञमेरंयेमम्। स्विष्टकृचाग्ने होताऽभूः। वसुवने वसुधेयंस्य नमोवाके वीहिं॥३६॥

वीतां वेत्वभूरेकं च॥——[१४]

अग्निम्द्य होतांरमवृणीतायं यजंमानः पर्चन्पक्तीः पर्चन्पुरोडाशं बृध्नन्निन्द्राग्निभ्याञ्छागरं सूपस्था अद्य देवो वनस्पतिरभवदिन्द्राग्निभ्यां छागेनाघंस्तान्तं मेदस्तः प्रतिपचताग्रंभीष्टामवीवृधेतां पुरोडाशेन त्वाम्द्यर्षं आर्षेय ऋषीणान्नपादवृणीतायं यजंमानो बहुभ्य आ सङ्गंतेभ्य एष में देवेषु वसु वार्या यंक्ष्यत् इति ता या देवा देवदानान्यदुस्तान्यंस्मा आ च शास्वा चं गुरस्वेषितश्चं होत्रसं भद्रवाच्यांय प्रेषितो मानुषः सूक्तवाकायं सूक्ता ब्रंहि॥३७॥

अग्निम्द्यैकम्॥———[१५]

अञ्जन्ति होतां यक्ष्यसमिद्धो अद्याग्निरजैद्दैव्यां जुषस्वा वृंत्रहणा गीर्भिस्त्व इ् ह्याभंरतमुपीह् यद्देवं बुर्हिः सुंदेवं देवं बुर्हिर्ग्निम्द्य पश्चंदश॥१५॥ अञ्जन्त्यग्निर्होतां नो गीर्भिरुपीं हु यद्विदर्थं वाजिनः सप्तित्रिर्शत्॥३७॥ अञ्जन्तिं सुक्ताबृंहि॥

हरिंः ओम्॥ ॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके षष्टः प्रपाठकः समाप्तः॥

This PDF was downloaded from http://stotrasamhita.github.io.

 ${\sf GitHub: \ http://stotrasamhita.github.io \ | \ http://github.com/stotrasamhita.github.io}$

Credits: http://stotrasamhita.github.io/about/